

堯山堂外紀

堯山堂外紀卷九十二

晉陵蔣仲舒編

國朝

李夢陽

字獻吉號空同慶陽人宗大梁毛澄
信進士初丑孫公時夢日入懷故名

後公病夫人夢
目沉海中公卒

李獻吉為戶部郎以上書極論壽寧侯事下獄賴

上恩得免一夕醉遇侯于大市街罵其生事害

人以鞭稍擊墮其齒侯恚極欲陳其事為前疏

未久隱忍而止獻吉後有詩云半醉唾罵文成
侯老指此事

李空同督學江西有士子適同其姓名公呼而前
曰汝不聞吾名而敢犯乎對曰名命於父不敢
更也公思久之曰我且出一對句試汝能對則
已否則終不恕曰藺相如司馬相如名相如實
不相如其人思不久輒應曰魏無忌長孫無忌
汝無忌我也無忌公笑而遣之

李既以直節忤
時起憲江西台

皇天丁俞中丞諫督兵平寇用二廣例抑諸司
長疏李獨粒立俞作問足下何官耶李徐答公
奉天子詔督諸軍吾奉天子詔督諸生竟出後
與御史有隙即率諸生手銀鐺欲鎖御史御史
杜門不敢應坐
靖先名益重

李空同以詩著名其古意云內廐飛龍馬君王賜
玉鞭長鳴彩伏下。立在紫騮先放逐綠何事飄
零竟不旋如蒙弊帷顧萬里為君前又除架云
種豆高於屋垂瓜或滿庾根溪歷夏茂蔓弱望
秋零猥雜沉霜露縱橫碍月星介介呼稚子欲

代幾回停皆有意義可玩

空同作詩極苦思盡成如一二句弗工即

棄之田溪父見而惜之空同曰是自家物終久還來黃可務問詩法空同指場園中菜豆而言

曰顏色

而已

李空同限韻詠餅中栢云愛汝側葉寒能青挿之

銅餅休古瓶畫屯雲氣果不俗夜飛光芒疑有

靈森聳似學鸞鳳翼屈曲已具虬龍形更欲移

裁萬仞嶺待與松檜凌冥冥

李空同冬至觀菊賦詩云至日貪看九日花弄霜

吞雪轉空。諺思將正色。留天地。肯使陰陽管歲
華。寒蒂已包重。放萼暖根。應抱更生芽。書雲莫
誤禎祥。奏斗酒東籬。自有家。

正德辛巳李空同年五十立春賦詩云。冬晴轉覺
冰霜厲。日散俄還海嶽春。綵勝恩光曾侍帝。菜
盤風俗謾隨人。雪融樓閣沾沾薄。烟動松筠裊
裊新。人壽幾何吾半百。到唇杯酒莫辭頻。元日
賦詩云。倏忽吾生五十春。兩朝遺佚太平身。望

卿心逐。閑雲起。懷國情。將汴柳。新自信。右軍非。

墨客

王右軍五
十書始成

誰言高適是詩人

適年五
十始詩南征

昨報龍旗返。佇想嵩呼動紫宸。生日賦詩云吾

今五十頭半霜。大兒已壯孫已長。力田頗自識

草木。出門每與憂豺狼。風晴野水白晶晶。臘近

山日寒蒼蒼。但能草澤射猛虎。豈須熊館誇長

楊。是歲除夕立春。撰賦詩曰。改元明日初開曆。

除夕今年暗入春。天地漸分三極色。竹藏已半

百年身和煙浥浥。梅應劇滴露瀟瀟。竹吞句噎。
歲不知宵遽曙。非雲何處望。楓宸蓋世廟。以是
歲登極。明年壬午改元嘉靖也。壬午元日。又有
詩曰。元年元日光華異。青帝青陽左。今開北斗。
不將天地轉。春風那使萬方回。蛟龍窟宅寒猶
閉。鴻雁雲霄暖自來。迴首玉顏慚大藥。許身元
擬是仙胎。

先是正德七年九年黃河連清。為世廟入繼大統。

之兆故嘉靖改元李空同有歌曰元年正月又
王春四海人稱拱聖人已報岐山鳴彩鳳更傳
閏內出麒麟大明十帝轉神明天意分明賜太
平紫蓋復從嘉靖始黃河先為聖人清

周憲王者定王子也好臨摹古書帖曉音律所作
雜劇凡三十餘種散曲百餘雖才情未至而音
調頗諧至今中原絃索多用之李獻吉汴中元
宵絕句云齊唱燕王新樂府金梁橋上月如霜

蓋實錄也

江陰高賓高貫兄弟皆舉進士縣北有君山高得
馬自稱君山主人李空同為作君山詩寄之曰
一山背城起萬古號為君秀攬江心月雄吞海
面雲金陵通地脉玉港發人文羨彼投簪客中
年卧紫紵又李札墳邊業春申邑後山一江平
展鏡兩港曲成環不雨雲烟擁長春草木斑隱
君梯萬丈倘許世人攀

李空同有海棠數株長六七尺許李主政隔牆見
之有味因次其韻曰種汝溪愁樹不長數年今
遽求吾牆臨欄幸不矜金色隔院應難掩暗香
敢向紛紛爭俗眼私憐裊裊壓時粧臙脂強半
暄蜂少倘過同傾花下觴

陶臺使蘭陽公解五色葵花盛開李空同賦詩曰
炎天小縣葵葵好五色空庭日日常開正得時
須讓赤見宜尊禮莫欺黃交枝接葉誰為衆異

蕊同心自向陽。此物煩君獻天子。上枝閒地草
蒼茫。

陶臺使誇其分司桃花獨樹李空同性觀之次其
韻曰老嬾。今來特為花花奇。親見主人誇。入門
風片時。時墜近酒春枝故。故斜湖海一尊憐。舊
侶乾坤雙鬢愧。年華明朝許。赴柴門。約共醉東
園萬樹霞。

李空同出塞詩云黃河水遠漢宮牆。河上秋風鴈

幾行客子過壕追野馬將軍韜箭射天狼黃塵
古渡迷飛輓白月橫空冷戰場聞道朔方多勇
略只今誰是郭汾陽

空同遊西山有集古句五首景帝陵云北極朝
廷終不改崩年亦在永安宮雲車一去無消息
古木回巖樓閣風望湖亭云與客携壺上翠微
千家山郭靜朝暉平沙渺渺來人遠黃鳥時兼
白鳥飛功德寺云憶昔霓旌下南苑江亭晚色

淨年芳。重門深鎖。無人到。僧在翠微。開竹房。翠
華衆。云曉行不厭。湖上山。別有天地。非人間。安
得移家此中老。白雲常在水潺潺。香山云。二月
已破。三月來。山下碧桃春。自開。半醒半醉遊三
日。並馬今朝未擬回。

李空同嘗與袁永之僉憲書。極言其內弟左國璣
猜忌之狀。末有云。此人尚爾。何況邊李耶。邊李
尚書庭實與獻吉素稱國士交者。左號中川。開

封舉人也有妹夫不憐其妹取妓以充後房一日妓逃左作詩嘲之云桃葉歌殘事可傷家池莫養野鴛鴦閉門連日春容減仍對無鹽老孟光世傳誦之

顧璘

字玉華號東橋吳郡人京金陵朱希周榜進士有知人鑒為當時風雅主盟

顧東橋才華在鄭少谷之上嘗有詩送鄭歸鑿峰云四月燕山雨雪寒省郎多病復辭官路經海上三神鳥與在仙人九轉丹玉洞桃夭留笑靨

淪江秋水濕漁竿。爾家谷口空長往。安石東山望未開。鄭得詩擊節嘆賞。每哦咏之。

顧東橋集徐君叔宅懸燈賞梨花君叔索詩東橋即席賦云銀燭高懸玉樹寒。素花流影晃朱闌。驚看月出層柯裏。惡說風吹一片殘。絃管橫催春爛熳。房櫳斜見色檀欒。明朝此樂知難續。莫惜殷勤醉後看。

顧東橋有擬宮怨二首翠靨金蟬入內家。擬將新

寵屬鉛華。若王自信。圖中貌靜女。虛迎夢裏車。
帳殿秋陰生。角枕牕空響。聽琵琶。含情獨倚。
朱闌暮滿。院微風動。落花又。漢皇宮殿月明時。
曹侍宸遊百子池。舞馬登牀春。進酒盤龍街。燭
夜觀碁御前。卻輦言無忌。衆裏當能死。不辭舊
恨飄零同落葉。春風空遠萬年枝。

遣貢

字元實。號華泉。歷城人。顧東橋同年進士。為按察司。後疾還。西歸。則使兩妓肩

臂扶。臨唱。樂觀者

如堵。了不為怪。

邊廷實與李獻吉友善時號邊李在京師日以詩
酒往來後獻吉歸大梁元夕卧病有詩東送實
云憶昔金錢並卜懽稱心燈火獨長安。爐香欲
散尚書省。環珮先歸太乙壇。才載酒杯誼五夜
九衢遊馬閱千官。蓬飛轉合今同此月滿梁園
却自看。邊舊為太常故有太乙壇之句。廷實除
夕卧病亦有詩東獻吉云天涯卧病驚除夕。河
上逢人感昔遊。歲月浮生雙鳥翼。風塵遠道一

孤來君還豈為鱸魚膾。我出真同雪夜舟。梅蕊
柳條俱動色。幾時携杖並登樓。又春日有懷下
吉。云南中數枉故人書。北上蹉跎信轉疎。四海
酒盃形影外。十年詩草夢魂餘。藏身笑我同方
朔。作賦憐君過子虛。春入吹臺芳草徧。塔雲樓
月近何如。

鎮江之墟有亭峙焉。左松右竹。前梅後栢。許氏四
兄弟居之。扁曰四友。索邈華泉詩。華泉為賦四

章伯氏曰我所友今在徂徠直幹矯矯排風雷
十秋萬歲倚崔嵬美人贈我雲錦青何以報之
松下苓朝餐暮餌通仙靈駕青牛今凌紫庭仲
氏曰我所友今在淇澳苦節娟娟樂幽獨千秋
萬歲無翳收美人贈我綠錦裾何以報之竹上
茹朝餐暮餌康且龐駕青鸞今凌紫虛叔民曰
我所友今在孤山繁英燦燦開冰顏千秋萬歲
倚清寒美人贈我素錦綳何以報之梅白華朝

食暮餌。精神加駕青。禽兮凌紫霞。李氏曰我所
友。今在新甫銅柯寒。寒霜皮古千秋萬歲辭。斤
斧美人贈我翠錦裾。何以報之栢子仁。朝食暮
餌容色新。駕青軋今凌紫雲。

郝文範御史謫温州節推。邊華泉送以詩云。萬松
深護理官衙。颯翠陰中閱歲華。策馬暫拋臺府
印。登樓常眺海門霞。六朝秀句憐康樂。四海名
山說永嘉。落落曉星雲霧裡。斗牛何日轉仙槎。

毛汝礪為御史時河內宴承差奉酒太溢曰承差
差矣乎邊庭實時為副使應曰副使使之也一
時以為的對

邊華泉繼娶胡氏通書識字邊以子遲多置姬侍
每與胡反目邊致仕家居時妾生有二子邊復
欲求妹展託其弟某圖之將委禽為胡而沮後
族弟偕客携酒過邊許酒酣舉觴令曰討小老
嫂惱坐客不能繼皆舉觥胡以片紙書相娘狂

郎忙五字于上因何不以此對邊卒所寵姬時

皆嫁賣惟留其生不者與居待之亦寡恩王元美

言邊戾實開已卯南征事云不信土人傳接駕

似聞天語鄒莊師此欲為古人則坦忠厚之語

而未免註送也至結語東海細臣瞻巨斗壯

於夜與會移愈有理趣而愈不佳東海北極猶

為拔善細臣巨斗二字何出吾景愛其庭際何

所有有壹復有芋自聞秋雨聲不種芭蕉樹然

色蕉豈可言樹芋豈庭中佳物且獨無雨聲乎

俱屬未妥若作自伶秋雨滴不復種芭蕉或云

自聞秋雨蘇轍不愛芭蕉色則上韻亦自可押而

意尤溪婉如題文山祠花外子規燕市月柳邊

精衛浙江潮

却甚精麗

王九思

字敬夫號漢坡鄧縣人劉瑾以擴充

其鄉人也獨為吏部郎不數月長文遂會
瑾敗請同知壽州敬夫有雋才尤長於詞
曲而傲視多暇味人或護之李文正謂敬
夫嘗議其詩尙史追論敬夫據其官敬夫
為杜少陵游春傳奇劇罵所謂李林甫者
蓋指西涯也李開之益大志雖館閣諸公
亦謂敬夫輕
薄遂不復用

王敬夫與虞德涵俱以詞曲名一時其秀麗雄爽

康大不如也敬夫將填詞以厚貲募國工杜門

學唱三年然後操筆德涵於歌彈尤妙每敬夫

曲成德誼為泰之即老樂師毋不擊節歎賞也
然敬夫作南曲且盡杯中物不飲青山暮猶以
物為護也折桂令云望東華人亂擁紫羅襪老
盡英雄此是名語又有一詞云暗想東華五夜
清霜寒駐馬尋思別駕一天霜雪曉徘徊句特
軒爽四押亦佳

敬夫散套中鶯鶯濕春隱花梢
何元朗以為金元人無此一句

王敬夫工於小詞而詩亦不落元宋體時謂漁才
有無題一首云寂寞西風翡翠樓。黃昏斜抱玉

篴篴彩鸞影。逐秦簫。斷紅葉。新隨御水。流天外。
行雲難入夢。手中心。團扇易驚秋。愁來只恐嫦娥
笑。明月踈簾不上鉤。

王漢陂與李空同十四月夜飲有詩云。萬戶秋風
砧杵寒。殊鄉今夕故人來。竹間涼露蕭蕭下。樓
上浮煙細細迴。地僻柴門無過客。家貧樽酒有
餘杯。踈簾碧簟須同醉。明月青天為爾開。

朱應登

字升之。寶應人。倫文叙榜進士。與李夢陽。何景明。王九思。邊貢。徐禎卿。鄭

善夫康海顧璘陳沂時稱十子李空同作
凌溪墓誌中有言是賈平天冠者與作詩
到李杜亦一酒徒
耳此劉晦菴語

顧東橋赴台州朱凌谿湖上送別作長短句曰予
從京華來問我滄洲路暫作淮南留相淹桂華
樹桂樹團團蔭楚宮秋來樹樹起香風歸驂向
夕停金路寶劍當門解玉虹主人聞客來終日
笑顏開盤中首首闌干穎甕裡瓊漿琥珀醅五
湖雲水歸無埃疑是山陰雪下迴放浪每為河

朔飲風流重接建安才。一夕復一夕。開軒偶瑤
席。不知逸興安從生。坐使窮愁向君失。我生未
聞通四十。已歸田。豈為折腰思。絕粒翻翻傷。翻
惡驚弦。黃河之清不可俟。世人視我尋常耳。釣
竿不掛吞舟魚。嗜昔論交竟誰是。感君山嶽心。
眷我無轉移。送君江海上。悔不相追隨。他時若
有天台興。儻寄興公一賦之。

朱凌谿為陝西提學時校文至涇陽與一士有龍

陽狎瀕歸朱贈以詩曰欲發不發花滿枝欲行
不行有所思我之所思在涇渚春風隔樹飛黃
鵠後竟以是罷官

康海

字德涵號對山陝西武功人弘治壬戌
狀元與王敬夫名位差亞而才情勝之

偶和章詞流布人間
遂為關西風流領袖

西亭宗室送康對山白牡丹一本康走筆寄謝云
曾傍瓜田構藥欄欲憑光景慰衰殘聊同楚客
憐芳草敢冀梁園送牡丹老病只疑花解笑春

風預想雪成團攀援不成三株樹報答真慚雙
玉盤

康狀上被廢肆意詞曲雖俚語遭其隱括亦自可
喜有山坡羊曰我和尚發了善離了庵觀我和
尚發了誓再不去看經向善這寺裡出家的儘
有成佛的也不曾見七六八小許多僧禪論成
佛輪不着你俺到不如還俗了罷手佛也不與
我衆生為怨娶一箇美貌佳人也錦帳羅帷受

用上幾年。成就了我的姻緣。我把那阿彌陀佛。
拾得過來。撩的他遠。成就了我的姻緣。那怕他。
碓搗磨碾去。上過兒刀山。又沉醉東風。白紫。
車兒羊毛筆管。載幾車兒各樣花箋。鳳陽墨三。
兩房天來大三台硯。請孔門弟子三千。一夜離。
情。寫半年添硯水。盡都是離情淚點。初李夢陽
代韓文草
甄劉瑾已調出之猶不快前念羅以他事械至
京下獄將置之死時東海與黃陽同有才名各
自負不相下瑾慕海嘗欲招致門下而海不往
瑾恒先施必欲其一至海每閉以吞之至是夢

陽所親左園曉詣欲謂夢陽曰子殆無生路矣
唯康子可以解之夢陽曰吾與康子素不相能
今臨死生之際乃始托之獨不愧于心乎吾寧
死矣左曰不謂李子而為匹夫之諒也強之再
三以片紙誦書數字夢陽乃援筆曰對山揀我
唯對山能揀我左持書詣海海曰是誠在我我
豈敢吝惡人之見而不為良友一辟咎也遂詣
瑾瑾焚香迎海廷置上座海不少避瑾曰今日
有何好風吹得先生來也命左右設席海曰吾
有言告公公如聽吾言當為公留不然吾且去
矣瑾曰云何海曰昔唐明皇任高力士寵冠群
臣且為李白脫靴公能之乎瑾曰瑾即請為先
生脫之海曰不然今李夢陽高於李白數倍而
漫固翫不及一者也下獄而公不為之援柰何
欲為白等脫靴哉即奮衣起瑾固止之曰此朝
廷事今聞命即當幹旋之海遂解帶與痛飲天

明始別夢陽遂得釋歸而後
自是與陸姓復竟以此廢棄

康對山里居時最好聲色嘗嬖一伎名狠架子伎

遠被罪當罰米康以事在劉憲副大謨迺東劉

曰狠架子是我表子馬公順是他老子拜上遠

父先生乞望饒此輩子劉笑而從之馬公順乃

馬憲副應祥字亦嘗狎此妓者遠父乃劉字對

有四姬目為隨身四帥其名為金菊小斗芙蓉

彩蓮初對山無子遠有妓鬻歌于市又有招公

飲者妓在焉公善琴妓亦能之試彈一曲公大

喜招其母來授二百金四幣納焉即生子成孝

燕又對山常與妓女同席一寒賤令從人賞琵琶自隨遊行道中戲然不屑陸儼山常至關中以對山舊同在館中特往請之相見共談舊事即取琵琶鼓二三曲款款者久之時有楊侍郎庭傑者少師介夫弟以使事北上過康康故契分不薄大喜置酒至醉自彈琵琶唱新詞為壽楊作謂家兄居恒相念君但得一書吾為道地史局語未畢康大怒罵若伶人我耶手琵琶擊之格胡牀迸碎楊踉蹌走見康遂入口咄咄蜀子更不相見

王駢鳳翔人

弘治同王駢以進士授吳橋知縣僅八月免官居家以詞曲自樂嘗有妓為之傷目睫下有青痕

遂作沉醉東風曰莫不是捧硯時太白墨灑莫
不是畫眉時張敞描差莫不是檀香染莫不是
翠鈿玦莫不是蜻蜓飛上海棠花莫不是明皇
宮墜下馬又清江引曰醜湖絲眉稍上松油扶
桑堪手掠盡過半邊藍凝粧一堆青泥汙醜面
回婆眼窩兒到像我

堯山堂外紀卷九十三

晉陵蔣仲舒編

國朝

何景明

字仲默號大復康海榜進士在京師日每有燕席常閉目坐不與同人交

一言一日命諱人携園桶至會所手扶一冊坐園桶上傲然不屑容散徐起去

何仲默少時輒能文善於破冒鄉老長見其破無

不善疑之因出不擬題梁惠王章句上一句命

破即應穀曰以一國僭竊之主冠七篇仁義之

書嘗遇端午節鄰族相饋角黍號羊角粽有出
以為題者曰羊角粽東家送了西家送破曰以
物之象象乎物以人之惠惠乎人又有出其鄉
噫為對者曰張豆腐李豆腐一夜思量千百計
明朝依舊賣豆腐破曰姓雖異而業則同心無
窮而分有限年十七中鄉舉北上途中有同會
友聞善破名因出小車題求破乃舉成說二句
以應之曰任重而道遠待人而後行同會友相

與驚服而散

今南門祝無功世祿亦善散破嘗

嘆其抗直謂祝曰吾有一破其題曰大哉堯之

為君一節曰以齊天之大聖極天下之無狀焉

祝曰吾亦有一破其題曰不得已而之景丑氏

宿焉曰廣無可奈何之地遇大不相干之人聞

者哄然大快

是年祝登第

何仲默九月八日王宗哲宅見菊有詩曰燕臺菊

樹艷秋堂楚客鄉心益渺茫人世幾回逢一笑

天涯明日過重陽高雲錦石寒相映細雨晴沙

濕不妨况是右丞多雅詠一觴無興醉蒼涼

李西涯生日何仲默壽以詩時篇章成帙西涯獨
喜何詩其詞曰黃閣文章鳴大雅玉機功業贊
維新十年天下先憂淚五畝園中獨樂身南極
壽星朝北斗靈芝仙草映長春裴公郭相看前
代社稷蒼生望老臣

何仲默與李獻吉交誼良厚李為逆瑾所惡仲默
上書李長沙相救之以後論文相掎擊遂致小
間何駁李詩有云詩意象應曰合意象乖曰離

空同兩寅間詩為合江西以後詩為離試取兩
寅作叩其音尚中金石而江西以後之作辭難
者意反近意苦者辭反常色黯淡而中理披慢
讀之若搖鞞鐸耳李駁何則曰如搏沙弄泥散
而不瑩濶大者鮮把持之又無針線王敬夫薛
君采各有漫興詩王詠何云若使老夫須下拜
便教獻吉也低頭薛云俊逸終憐何大復粗豪
不解李空同

何晚出君遽抗李李漸不能平何
病草屬役事明墓文必出李手時

張以言孟望之在側私曰何君疾恐不能得李
文李文恐不得何意吾輩與戴仲鶚樊少南共
成之可也今望之
銘亦寥落不共稱

何仲默有回文詩云絃中曲怨不同認早見相如
病骨銷眠獨夜烏啼渺渺夢多春草碧迢迢煙
生暗閣鸞沈鏡日落空樓鳳罷簫年往恨花飄
水逝傳書有鴈一停橈

正德戊辰戴仲鶚冠將赴春官來別何仲默仲默
作寶劍篇贈之曰我有雙龍之寶劍重之不

雙吳鉤雄遊九天橫素秋。鳴匣中聲啁啾扶
風豪士邯鄲俠。千金在旁不敢醉雪花星文照
玉玦贈汝慰我心所求。汝今年纔二十四。北上
長安見天子。羊翳鳳皇跨騏驎。肝膽意氣無與
比。杏花江頭春風起。綠袍青綬帶秋水。相見提
携白日前。更看結佩青雲裏。我初鑄此良已勞
昆吾鐵冶風雷號。寶鞘玉彈黃金錯。何以繫之
赤錦絛。砍地翻虞滄溟倒。倚天未覺虹蜺高。十

年在匣尚未試。常恐棄置成鉛刀。君不見見豐城。
紫氣埋古獄。星辰夜搖魑魍哭。奇麗逢人自有。
時肯使塵沙竟湮沒。又不見藍田寶山空突兀。
頑石却指神鋒禿。平生雖有百鍊鋼。一用不謹。
為棄物。吁嗟戴生爾無忽。是年仲鶚登第。

徐禎卿

字昌穀。琴川人。從家吳縣。遂占籍烏

石田沈周南濠楊循吉由是知名。論者謂

吳中如徐博士詩祝京兆書沈山人畫足

輯國朝

三絕

徐昌穀屢臺試不捷父惡之禎卿嘆曰橋梓之間
正須和協今而及此誠為可痛且處囊脫穎君
子之常何至逢索步乎因感屈子離騷作嘆嘆
集論者以文章江左家家玉烟月楊州樹樹春
為集中警句又斷作詩之妙為談藝錄陳內翰
霽見之曰它日當獨秀吳中可也

徐昌穀詩初沿晚季迨舉進士見李獻吉始大悔
改其樂府選體歌行絕句遂與獻吉爭雄旗鼓

有寄獻吉一律云汝放金鷄別帝鄉。何如李白
在潯陽。日暮經過燕市曲。解裘同醉酒。鑪傍徘徊
桂樹涼。風發仰視明河繩。夜長此云梁園逢
雨雪。知予遙度赤城梁。又感興懷獻吉云旅舍
秋風動。客袂殘花秋。日伴殘杯虛名久。愧為水
累白眼那能免。物情落魄京華空。老大旅覓江
漢好。歸來山川翹首浮雲迥。倚杖遙登何處臺。
徐昌穀有雜謠云夫為虜妻為囚。少婦出門走道

逢翁孺不敢收。東市街。西市街。黃符下。使者來。
狗。棘。棘。鷄。鳴。飛。上。屋。風。吹。門。前。草。蕭。蕭。

鄭善夫

字繼之。號少谷。福州人。徐昌穀同年進士。仕至南京。驗封郎中。嘗與友人

期曰。明年海上有紫氣。東來。是吾觀化至矣。赴官留省中。道奄殂。

鄭少谷好遊名山。嘗登金山。妙高臺。留詩云。雲海

冥冥望不迴。鯨波東蹴巨靈開。中天樓閣虛無
裏。南國風烟江漢來。世短動經多事日。愁長况
上望京臺。白門金鼓維揚卒。落日空傳黃竹哀。

鄭少谷汶上對月聞笛作商謫哀切命舡人度曲
為和因賦醉歌云。馬耆八月風高起。鴻鴈羣飛
渡淮水。月下清砧愁遠人。天涯芳草思公子。王
郎哀時最蕭瑟。萬里迢迢向南國。呼我上船設
冰鱸。仰天頌酒開胸臆。關山茫茫何處邊。但見
急管哀中天。馮夷聽曲波面出。楊柳亂落西風
前。酒酣月落歌未已。隴思江情咯然起。未掛姓
名玉策上。願添海水金尊裏。人生合歡那可測。

有似大海翻萍葉。回首親朋各別離。豈無江漢
通舟楫。流光過鳥不復駐。達官好爵身之蠹。况
延豺狼橫地軸。何限驂騑窮天步。竹林諸賢皆
酒徒。嗣宗只願步兵尉。古來賢達一澌盡。醉鄉
之托。今何如。

鄭少谷竹枝詞云。西澗西邊東澗東。千山不斷萬
山通。謝豹見春啼出血。王孫上樹捷如風。梨嶺
遙於楓嶺遙。小關高比大關高。傭夫過嶺如平

地一歲來迴一百遍

鄭少谷初不識王浚川作漫興十首中有云海內

談詩王子衡春風坐遍魯諸生後鄭卒王始知

之為位而哭走使千里致奠為經紀其喪仍刻

其遺文云

王廷相字子衡號浚川潞州人籍河南儀封弘治壬戌進士官左都御史

兼大司馬

其詩如飛燕煽吹白羽失涼有五月

題云五月浚江信水生裏迷風雨下覆城舟經

已子峽東夜心折清猿樹裏殷逐客漫寒幽岸

正秋臣空濯舊時纓沅湘何處三閭國欲擬招

魂弔屈平又寄何粹夫云蓬影連迴瀟曲秋文

星縹緲鳳池頭比年書信勞想慰此日風塵悵

獨遊學士官。開今綠水道。人心遠夢。陰
洲何時。五嶽同携手。石耳龍芝。遂所求。

孟洋

字望之。號無垠。
更有涯信陽人。

孟望之與何仲默。同生一區。時稱二美。其詩逸氣
超羣。橫不可制。嘗登驪山絕頂。題云翠巘丹梯。
雲霧端朝元。高閣盛遊觀。芙蓉映日。三秋出檜。
栢生風。五月寒花外。旌旗春駐輦。柳邊燈火夜。
迴鑾漢宮。秦墓俱芳草。渭水終南。歲歲看。又九
日登泰山。題云秦嶽風高。不可當登臨。况復是

重陽杯傾下。映滄溟。色帽。不平依北斗。傍魯甸。
風雲流野日。薊門鴻鴈入。煙霜雄圖盛。鄴俱陳。
跡城郭蕭蕭自八荒。

殷雲霄

字近夫山東壽張人
官南工科給事中

殷近夫與太白山人多倡和其風度似之有友人
携酒過官舍近夫次杜韻謝云縣齊微雨過蒼
苔越客芳樽向晚開池畔好風驅暑去松間明
月逐人來三年戎馬身無定千里鄉書鴈未回

痛飲狂歌聊復爾不堪愁病兩相催

殷近夫之青田令何仲默送以詩云石川居士昔
餐霞為吏風塵不怨嗟海上故栽彭澤柳江邊
新種落陽花飄飄暮送凌空鳥渺渺春迴上漢
槎安得便同仙令去遠從勾漏覓丹沙

戴仲鸛有堂名晚宜殷近夫寄以詩云醉後分攜
不記吾晚宜堂畔費招呼人歸別浦江聲遠鶴
舞閒庭月影孤邂逅我堪懷叔度風塵誰復問

狂夫他時相憶還勞子。已約東溟舊釣徒。

王韋

字欽佩南京人與朱應登顧璘陳沂皆長文章時謂江南四才子

弘治乙丑內閣試庶吉士以春陰為詩題下註不
拘體王韋作歌行為諸老所賞時儲柴墟璫為
太僕少卿過訪韋陸溪子淵在座因索其稿讀
之至警句云朱闌十二畫沉沉畫棟泥融燕初
乳儲擊節歎賞曰絕似溫李陸戲曰本是王韋
益指摩詰蘇州以謔之為之一笑

方術

字思道開化人鄭少谷之友
九江南山水佳處皆有題詠

方索陵雅好山水築室杭之石屋少師夏公言為
都諫時贈以詩云錢塘西湖好林麓白石青泉
翳修竹湖山有樓出木杪勝處憑高竚奇獨棠
陵野客善題詩彩毫落紙無停思日日出遊湖
上寺有時醉卧湖舡裏風流不減李太白氣呀
真同杜子美倚欄拍手長短歌白雲飛起青山
多。冒中萬疊煙霞癖不欠人間一塵逼只有看

山眼最青無柰愛時髻。先白樓中把酒送飛鴻。
酒醒夢迴滄海東。客來時出袖中草。大半江山
收翰藻。

西湖飛來峰石上佛像是勝國時楊璉僧所琢下
天竺後壁是王叔明畫其剝落處時孫宰子補
之方棠陵爲秋官郎慮囚江南歸省過杭索筆
題曰飛來峰天奇也。自楊總統琢之天奇損矣。
叔明畫人奇也。自孫宰子補之人奇索矣。此二

者乃山中千載不平疑案予法官也不翻是案
何以服人

方橐陵以廣東憲副入賀張崑崙山人餞之方曰
君詩雖佳而非情實如無山稱山無水賦水非
惟而暢不戚而哀予詩雖劣情實具在答曰詩
人婉辭託物若文王之恩后妃豈必臨河洲見
睢鳩耶即如餞行何必携百壺酒而云清酒百
壺惟笋及蒲若據情實則老酒一瓶豆腐麵筋

耳京師聞者大快

孟淑卿

蘇人訓導澄之女自號荆居士其詩見徐昌穀紀事

孟淑卿嘗論朱淑貞詩曰作詩須脫胎化質僧詩
無香火氣乃佳女子鉛紛亦然朱生故有俗病
李易安可與語耳然性疎朗不忌客世以此病
之嘗過惠日菴訪尼僧書其亭曰矮矮牆圍小
小亭竹林溪處畫冥冥紅塵不到無餘事一炷
煙消兩卷經

淑卿又有春歸詩云落盡棠梨水拍堤。淒淒芳
艸望中迷。無愁。最是枝頭鳥。不管人愁。只管啼。
又對鏡云清晨對鳳奩。含情強裝束。既已命如
塵。何須顏似玉。又楊妃菊云霓裳舞罷小腰肢。
低首臨風幾許思。莫恠姿容太妖冶。半緣卯酒
半燕支。又觀蓮美人圖云綠槐蟬靜日偏長。懶
爇金爐百和香。莫摘池中蓮子看。箇中多半是
空房。又春閨圖云粧樓倚倦怯啼鴉。寶髻慵簪

茉莉。老蝶粉。蜂黃。渾褪却。不應人。尚在天涯。又
席上贈妓云。石榴裙。子稱纖腰。唱徹新。聲換玉
簫。背倚東風。偷拭淚。為誰腸斷。為誰嬌。

朱桂英

海昌女子號
養誠道人

朱氏嘗過虎丘山。題詩壁上云。梵閣頻臨入紫霞。
憑欄極目。渺無涯。天連淮海。三千里。烟鎖吳城。
十萬家。南北舟航。搖落日。高低丘隴。接平沙。老
僧不啻興亡事。安坐蒲團。課法華。

朱氏又嘗詠白髮云。白髮新添數百莖。幾番拔盡
白還生。不如不拔。由他白。那得工夫與白爭。

鄒妙端

角妓鄒妙端。色藝絕人。名出教坊。右風流之士。咸
修飾以求狎。晚年色衰。遂暮閒寂。及死。佯為坐
化。有作詩以挽之者云。歌舞風流世所傳。老來
圓寂竟端然。超昇已出平康巷。解脫還登般若
船。具足神通由此日。廣修方便在當年。莫言柳

翠燒衣事功德誰分孰後先傳播一時

正德間有伎女

失其名於客所分詠以戲子為題伎應鼓曰一片寒微骨翻成西面心自從遺點汗拋擲到如

今極清切感慨可喜又一妓得一聯云故國五更蝴蝶夢異鄉十里子規心亦自成語